



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU SAVEZA ZA STARI GRAD

Broj: 03-07-6-295/18
Sarajevo, 23.05.2019. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	5

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja političke stranke Savez za Stari Grad za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je politička stranka Savez za Stari Grad prekršila odredbe člana 11. stav (1) i člana 12. stav (1) stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, a obzirom da je djelokrug kontrole bio ograničen iz razloga što stranka nije predočila dokumentaciju koja je od nje tražena, nismo zapazili ništa drugo značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke Savez za Stari Grad za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2017. godinu, politička stranka Savez za Stari Grad se finansirala iz sljedećih izvora¹:

R/B	Izvori finansiranja	Iznos (KM)	Struktura (%)
1.	Članarina	30,00	0,17
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	16.119,94	93,99
8.	Prihodi od propagande (3-g)	0,00	0,00
I	Ukupni prihodi (1-8)	17.149,94	94,17
II	Ostali prihodi i drugo	1.000,00	5,83
	Izvori finansiranja (I+II)	17.149,94	100,00

U godišnjem finansijskom izvještaju stranka je iskazala ukupne rashode u iznosu od 17.774,00 KM.

2. PREDSTAVLJANJE POLITIČKE STRANKE

Naziv političke stranke: Savez za Stari Grad.

Politička stranka Savez za Stari Grad registrovana je kod Općinskog suda u Sarajevu, Rješenjem broj: 065-0-F1-16-000002 od 25.04.2016. godine.

Sjedište političke stranke je u Sarajevu, ulica Franjevačka 1.

Lice ovlašteno za zastupanje stranke je Vedran Dodik, predsjednik.

Lice ovlašteno za finansijske izvještaje za 2017. godinu je Alma Jašarević.

Prema podacima iz godišnjeg finansijskog izvještaja za 2017. godinu, politička stranka Savez za Stari Grad nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj političke stranke Savez za Stari Grad za 2017. godinu.

¹ S obzirom da stranka po zahtjevu Centralne izborne komisije BiH nije dostavila izvode za dva transakcijska računa ne može se sa sigurnošću tvrditi da stranka nije ostvarila i druge prihode osim onih koje je navela u finansijskom izvještaju.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja političke stranke Savez za Stari Grad obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjeg finansijskog izvještaja političke stranke Savez za Stari Grad za 2016. godinu, nakon čega je izdat izvještaj o pregledu sa mišljenjem revizora, nalazima i preporukama stranci: da pravilno vodi evidencije o prihodima i rashodima, odnosno da podnosi finansijske izvještaje na način koji je utvrđen zakonom i drugim propisima u skladu sa zakonom i da obrasce finansijskog izvještaja popunjava na način propisan Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1 NALAZI

a) Politička stranka Savez za Stari Grad prekršila je odredbe člana 11. i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja, utvrđeno je da politička stranka Savez za Stari Grad nije pravilno evidentirala prihode, nije uspostavila evidenciju o svim rashodima i finansijski izvještaj nije podnijela u formi koju je propisala Centralna izborna komisija Bosne i Hercegovine, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Politička stranka u obrascu 2. finansijskog izvještaja (Pregled prometa svih transakcijskih računa političke stranke) nije prijavila sve transakcijske račune, odnosno iskazala je pogrešne podatke o prometu ostvarenom putem računa u 2016. godini, čime je prekršila odredbe člana 11. Pravilnika. Uvidom u Izvještaj Centralne banke Bosne i Hercegovine utvrđeno je da stranka nije prijavila u finansijskom izvještaju transakcijske račune broj: 1610000159810130 i 1610000159810227 otvorene kod Raiffeisen bank. Takođe, stranka je promet po transakcijskom računu, koji je prijavila u finansijskom izvještaju pogrešno iskazala. Uvidom u izvode sa transakcijskog računa broj: 1610000159810033, utvrđeno je da je ukupan promet izlaza iznosio 17.372,80 KM, a stanje na dan 31.12.2017. godine 6,46 KM, dok je stranka u obrascu 2 iskazala promet izlaza u iznosu od 17,77 KM i stanje na dan 31.12.2017. godine u iznosu od 17.361,54 KM.
- (2) U finansijskom izvještaju stranka nije iskazala promet blagajne, čime je prekršila odredbe člana 12. Pravilnika. Uvidom u poslovne knjige stranke utvrđeno je da je stranka ostvarila sljedeći promet blagajne: promet ulaza u iznosu od 15.700,00 KM, promet izlaza u iznosu od 15.655,90 KM i stanje na dan 31.12.2017. godine u iznosu od 44,10 KM.
- (3) Služba za reviziju je utvrdila da je politička stranka Savez za Stari Grad u obrascu 3 (ostali prihodi) godišnjeg finansijskog izvještaja iskazala prihode iz budžeta u iznosu od 1.000,00 KM. Kontrolom prometa izvoda sa transakcijskog računa kod Raiffaisen banke, utvrđeno je da je stranka primila sredstva iz budžeta Općine Stari Grad u iznosu od 16.119,94 KM i sredstva Ministarstva

finansija i trezora BiH po nalogu Centralne izborne komisije Bosne i Hercegovine u iznosu od 1.000,00 KM.

Kako se radi o povratu uplaćene takse za ovjeru političke stranke na Lokalnim izborima 2016. godine, a ne prihodima iz budžeta, stranka je u poslovnim knjigama i godišnjem finansijskom izvještaju prihode iz budžeta, odnosno ukupne prihode iskazala u većem iznosu za 1.000,00 KM od ostvarenih, čime je prekršila odredbe člana 13. i člana 19. Pravilnika o godišnjim finansijskim izvještajima političkih stranaka.

- (4) Takođe, stranka je u finansijskom izvještaju iskazala troškove dnevnica na službenom putu i putnih troškova u iznosu od 12.931,00 KM.

Uvidom u putne naloge i finansijsku dokumentaciju stranke, utvrđeno je da je stranka pomenute putne troškove isplatila gotovinski iz blagajne dvjema fizičkim osobama koje nisu zaposlenici stranke, pa navedene isplate imaju karakter ličnih primanja na koja je politička stranka, u skladu sa poreznim propisima, bila obavezna obračunati i platiti porez i pripadajuće doprinose.

U skladu sa odredbama Zakona o finansiranju političkih stranaka i Pravilnika, stranka je imala obavezu da u poslovnim knjigama i finansijskom izvještaju prijavi trošak po osnovu poreza i doprinosa.

Osim navedenog utvrđeni su nedostaci kod putnih naloga, koji su knjigovodstvene isprave o nastalim poslovnim događajima. U skladu sa računovodstvenim propisima, sadržaj knjigovodstvene isprave mora vjerodostojno pokazivati vrstu nastale promjene, karakter poslovne promjene u knjigovodstveno-tehničkom smislu kao i tehnička obilježja.

Na putnim nalogima, a kod isplata naknade za korištenje sopstvenih automobila u službene svrhe, nisu nevedeni pređeni kilometri. Takođe, na istim putnim nalogima stranka je izvršila isplatu troškova noćenja bez računa u prilogu.

- (5) U obrascu 5 finansijskog izvještaja (obaveze političke stranke) stranka nije iskazala obaveze na dan 31.12.2017. godine, čime je prekršila odredbe člana 24. Pravilnika.

Prema podacima iz poslovnih knjiga stranka ima evidentirane obaveze za putne troškove prema fizičkom licu u iznosu od 1.545,00 KM.

b) Savez za Stari Grad je prekršila je odredbe člana 12. stav (5) Zakona o finansiranju političkih stranaka.

Dana 14.03.2019. godine, Centralna izborna komisija Bosne i Hercegovine je političkoj stranci Savez za Stari Grad uputila Zahtjev za dostavljanje dodatne dokumentacije za 2017. godinu kojim je od stranke traženo da dostavi kopije izvoda sa dva transakcijska računa i kopije računa za troškove mobilne telefonije.

Savez za Stari Grad nije postupio u skladu sa zahtjevom Centralne izborne komisije BiH, tj. nije dostavio izvode sa transakcijskih računa broj: 1610000159810130 i 1610000159810227 otvorene kod Raiffeisen bank, niti račune za troškove mobilne telefonije, čime je prekršio odredbe člana 12. stav (5) Zakona o finansiranju političkih stranaka.

5.2 PREPORUKE

Preporučuje se Savezu za Stari Grad da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da pravilno vodi evidencije o prihodima i rashodima, odnosno da podnosi finansijske izvještaje na način koji je utvrđen zakonom i drugim propisima u skladu sa zakonom,*
- *da obrasce finansijskog izvještaja popunjava na način propisan Pravilnikom o godišnjim finansijskim izvještajima političkih stranaka,*
- *da vodi računa o poreskim propisima kod isplata ličnih primanja i*

- *da dostavlja dodatnu dokumentaciju koju od nje zatraži Centralna izborna komisija Bosne i Hercegovine.*

KOMENTAR

Politička stranka Savez za Stari Grad nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić